

## Mbunda - Mwonyo Visoneka - Soul Scriptures

Mateo 11:28-30 "Ijeni kuli yange, yeni voshe munajuka nakwambata vyakulema, co njikamihwimisa. 29 Lilemekeni mandauluwa yange, co lilongesen i kuli yange, omwo yange njimukalyovwa-ovwa na kulikeesa mu mbunge, co mukawana kuhwima ku myonyo yeni. 30 Omwo mandauluwa yange yayasi, na citele cange cacehu."

Kushangumuka 2:7 Asinoni Shukulu Kalunga Njambi watapwile livu asi, co likelyo wamungile munu, wahwimininine muku wa mwonyo mu majulu endi, co munu wakele na mwonyo.

Kushangumuka 34:2,3,8 Shekeme muna Hamole kaHivi, wapwile muna mwene wa lifuti lije, omo wamumwene, co wamuvisile. 3 Oloni wamwene ngeci uje mumbanda wapwile wamuvwa manene, co wamushakele nakumuzema ngecivene, wesekele kumukokweya. 8 Co Hamole wendekela nendi ngwendi, "Munange Shekeme ashaka kwambata munove. Mwane, njilomba ngeci mumutave amwambate.

Kulava 21:4 Co valsalele vatundile ku Munkinda wa Hole vaile mu ngila yakuya ku Linema iya Akava, kwongoloka lifuti iya Endome. Oloni a ngila vanu vajenekele kusimpa,

Kwituluka mu Mashiko 4:29 Co kuje mukashakezeka Shukulu Kalunga Njambi yeni, co nga mukamushakezeka na vimbunge vyeni vyoshe, na mwonyo weni woshe, co mukamuwana.

Maako 16:16 Co ikeye watwaleleo kumwihozola a litangwa na litangwa. Co wajukile manene ali uje munakazi ngwe kushaka kutsa vene,

1 Samwele 18:1 Omo Ndaviti wamanesele kwendeka na Saulu, co Yonatana wazemene manene Ndaviti ngwe mwalizema ikeye vavenya.

1 Vimyene 1:29 Asinoni mwene wendekela kuli ikeye ngwendi, Njilisinga mu lizina iya Shukulu Kalunga wakuyoya, uje wanjovwele ku tuyando twange twoshe,

2 Vimyene 4:27 oloni omo wetele kuli Elisha a Munkinda, watsikamene a mavuli kulutwe Iwendi, co wakwatele Elisha ku mendi. Ngehazi washakele kumunakula, oloni Elisha wendekela ngwendi, "Mwecele. Kuma yove kuwamwene ngeci ali na vusiwa vwakama manene ndi? Oloni Shukulu Kalunga kanjilekeleo cuma cimo."

Yombi 7:11 Ngecivene, kunjasa kulikela kwendeka embwe! Njikatwalao kwendeka lika omwo ya vusiwa vuje vuli mu mbunge yange. Co njikatwalao kulinyenga omwo ya vukalu vwa mwonyo wange.

Yombi 14:22 Ikeye aziva lika kuvavalala mu muvila wendi, nakuviiilila mu mbunge yendi."

Yombi 19:2 "Visimbu vingai mukayandesa mwonyo wange nakunjipunzozola na majwi?

Yombi 27:2 Njilisinga ali Muka-nzili yoshe Njambi wakuyoya, uje anjivyanesa vushunga nakukaluwisa kuyoya kwange,

Yombi 30:25 Kuma yange kunjalilisile vanu vaje vakele mu tuyando? Nambe kuzivila mema ku mbunge vanu vaje vanajeneka ndi?

Myaso 6:3,4 Yange njinalijujukila manene. Yove Shukulu Kalunga, njikakala visimbu vingaijo mu cifwa eci? 4 Tenguluka ngeci unjamene yove Shukulu Kalunga, njimwese cizemo cove cije kucesi kutenguluka.

Myaso 7:1,2 Yove Shukulu Kalunga Njambi yange, muli yove mukemwo njiwana kuvanda, njamene nakunjipatula kuli voshe vaje valinakunjisheka, 2 nga kuulingimo, co vanjitatuvula nakunjisanyozola vipuka-vipuka ngwe vindumba, co naumo wai anjamena.

Myaso 17:13 Ija, yove Shukulu Kalunga, popolola vitozi vange nakuafungulula! Njamene kuli vaka-vuvi na moko yove ya mukwale.

Myaso 23:3 Anjana mwonyo wauha. Anjitzwamena mu vingila vyakushungama, omwo ya lizina lyendi.

Myaso 25:20 Njinyunge nakunjamena, njinyunge kuli vaka-kunjifungulula. Njiija kuli yove ngeci unjinyunge.

Myaso 33:19 amena myonyo yavo ku kutsa, nakuwayoyesa a simbu ya njala ya lyangengela.

Myaso 34:22 Shukulu Kalunga amena myonyo ya vangamba vendi, naumo wai atewela muli ikeye vakamuhise.

Myaso 35:12,13 Vanjiilwisila vuvi ku vuvwa vunjinalingi, co njiliziva vulika. 13 Oloni omo vakele nakuvinja, njazalele cikeleya, co njalikeesele nakulikela kulya, njalombelele nakulikulamena,

Myaso 41:4 Njendekele ngwange, "Njizivileko mema ku mbunge yove Shukulu Kalunga, njikangwise omo njinavulumuna kuli yove!"

Myaso 42:5,11 Omwo vikajo njinaviilila? Mbunge yange vikajo inazeyela? Omwo vikajo njilinakulinyengela? Njikaka cinyangavili cange muli Njambi, co njikamushangazala lalo, muyoyesi wange, na Njambi yange. 11 Omwo vikajo njinaviilila? Omwo vikajo njilinakulinyengela? Njikaka cinyangavili cange muli Njambi, co njikamushangazala lalo, muyoyesi wange na Njambi yange. (Myaso 42:6,11; 43:5)

Myaso 56:13 omwo unanjobola ku kutsa, co unanjamena kukunjifungulula. Ngeci-vene, njenda ku mesho a Njambi, mu ceke cije cilinakutwa ali vaka-kuyoya.

Myaso 69:10 Njalilile nakulikela kulya, oloni vanu angavene vanjishawile

Myaso 69:18 Shwenya kuyehi nange nakunjamena ku vitozi vange.

Myaso 86:13 Omo vukama vwa cizemo cove kuli yange cije kucesi kutenguluka, unanjamena ku kutsa na ku mbumbo.

Myaso 97:10 Yeni mwazema Shukulu Kalunga munapande kuzinda vuvi, Shukulu Kalunga akanyungu vanu vendi va kulongwa, nakuapatula ku nzili ya vaka-muuka.

Myaso 107:9 Ikeye anwisa vaje vali na lihwila, co vaje vali na njala avakutisa na vyuma vyavivwa.

Myaso 116:4 Asinoni njatambekele kuli Shukulu Kalunga ngwange, "Yove Shukulu Kalunga, njilinakukulomba ngwange amena mwonyo wange!"

Myaso 116:8 Shukulu Kalunga nanjamena ku kutsa, ikeye nanjisikumuna misozi,

nakutakamesa mendi ange ngeci kesi njitalyangele.

Myaso 119:28 Mbunge yange inazeye na vusiwa, njitakamese ngwe muje wanjikulaesele.

Myaso 120:2 Shukulu Kalunga njamene kuli vaka-makuli na kuli vaka-kukwisa!

Myaso 121:7 Shukulu Kalunga akakunyunga mwamuvwa ku vushonde vvoshe.

Myaso 124:7 Tunaputumuka ngwe kazila natundu mu mweto wa ciyambi, mweto unashutuka, co tunaputumukamo!

Myaso 138:3 Omo njalombelele kuli yove, co wanjikumbulwile, wanjitatakamesele lalo na nzili yove.

Visimo 6:32 Oloni munu uje alinga vupangala kesi na mana. Alinakulinyongesa lika ikeye vavenya.

Visimo 22:25 Kutewa ukalilongesa vilinga vyavo, co ukonwa kutenguluka.

Njlemiya 20:13 Imbileni kuli Shukulu Kalunga! Shangazaleni Shukulu Kalunga!  
Omwo ikeye napatula vaka-kuyanda ku mavoko a vaka-vuvi.

Njlemiya 31:25 Njikahwimisa vaje vanajuka, co njikana vyakulya ku munu na munu uje nazeye na njala.

Ezekiyele 13:20,21 Evi vikevyo vyalinakwendeka Shukulu Kalunga wa Akamwa ya Vyoshe ngwendi, "Njazinda mikalo ya ku mavoko ije mulinakupangesa ngeci mukale na nzili a mwonyo na kutsa. Njikayitononona nakuyitundisa ku mavoko eni, nakupatula vanu vaje mwakele nakupangesa. 21 "Njikatundisa mikalo yeni nakutava vanu vange kupatuka ku mavoko eni a simbu imolika. Asinoni mukazivuke ngeci yange Kalunga.

Mateo 10:28 Kesi muzivile lyova vaje vatsiya muvila oloni kuvasa kutsiya mwonyo, oloni zivileni lyova Njambi, uje asa kunyongesa vyoshe mwonyo na muvila muje mu mbulu ya tuhya.

Mateo 16:26 Omwo nga munu afuka kaye koshe, oloni azimbalesa mwonyo wendi vika awanao? Mwa vushunga vene nacimo cai! Nacimo cai munu asa kwingisamo ngeci awane mwonyo wendi. (Mako 8:36,37)

Mateo 22:37 Co ikeye waile amo na Petulu na vaje vana va Zembendeo vaval, washangumukile kuzeya mu mbunge nakuvupuka manene.

Mateo 26:38 Co ikeye wendekele navo ngwendi, "Mbunge yange inazeye na vusiwa vvakama manene vvakunjitwala ku kutsa vene. Njivandameneni kuno nakukengelela amo nange." (Mako 14:34)

Mako 12:30 Co munapande kuzema Shukulu Kalunga Njambi yeni na mbunge yeni yoshe, na mwonyo weni woshe, na mana eni oshe, na nzili yeni yoshe.'

Luka 12:20 Oloni Njambi wendekele kuli ikeye ngwendi, 'Ove cilema! Vutsiki vuno vene vakatambula mwonyo wove, co vyoshe evi unalitulikila yove vavenya vikapwa vyeya?" "

Luka 21:19 Koleseni, co mukaamena myonyo yeni.

Yowano 12:27 "Ololo mbunge yange ilinakuyanda, co njendeka vika? Njendeke ngwange, 'Tate, njamene ku simbu eyi ndi'? Oloni evi vikevyo vinjezilile, ngeci njiite mu simbu eyi ya tuyando.

Vilinga vya Miluwa 14:22 Vakolesele vaka-kukulaela nakuvatakamesa ngeci vapwe vaka-vushunga mukukulaela. Vavalongesele ngwavo, "Tunapande

- kwita mu tuyando twatungi ngeci tukovele mu Vumwene vwa Njambi.”
- Vilinga nya Miluwa 15:24 Tunazivi ngwavo vamo vanalume va ku mbunga yetu vanaija nakumipesa nakumitanganesa na vije vanendeka, vakevo kuvatambwile vilongesa vyakutunda kuli yetu embwe.
- 1 Kolinte 15:45 Omwo visoneka vyendeka ngwavyo, “Munu wakulivanga Andama, vamutangele munu wakuyoya”, oloni Andama wakukotokela ikeye mukakwana mwonyo wa Munzinzime.
- 1 Tesalonika 5:23 Njambi uje muka-kutwana kwoloka amipwise vaka-kujela mu vyoshe, co anyunge vunu vweni vvoshe, munzinzime, na mwonyo na muvila, kujeneka milonga yoshe akwija kwa Mwene yetu Yesu Kilstu.
- VaHevelu 6:19 Tuli na cinyangavili cije ngwe ñovo ya cikongo ca mbunge, ikeyo yakukola, yaivwa, ikeyo ipulyasana nanga ije ya mu Njuvo ya Shukulu Kalunga ya mwilu nakukovela ku mulili wakujela,
- VaHevelu 10:39 Yetu kesi tu vanu vaka-kwiluka munima nambe vaka-kuzimbala embwe. Oloni tunapu tu vaka-kukulaela nakwovoka.
- Yakomba 1:21 Ngecivene, umbileni kuti vyuma vyoshe vije vinapu nya mazilo na vilinga vyavivi. Likeeseni kuli Njambi nakutambula lijwi lije akuna mu vimbunge vyeni, lije lyasa kumyovola.
- Yakomba 5:20 anukeni cuma eci ngweni, woshe uje elwisa muka-vuvi ku kupenga-penga kwendi novola mwonyo wa uje muka-vuvi kutunda ku kutsa, co vuvi vwavungi vakavusambesa omwo ikeye.
- 1 Petulu 1:9 omwo mulinakutambula kwovoka kwa myonyo yeni, kukekwo kwapwa vutumbe vwakukulaela kweni.
- 1 Petulu 1:22 Ololo munalijelesa akwononoka ku vushunga, co muli na cizemo cacivwa kuli vasamba veni vaka-kukulaela, lizemeni umo na mukwavo na vimbunge vyeni vyoshe.
- 1 Petulu 2:11 Vasamba vange, njilinakumilambelela, ngwe vangenzi na vaka-kwendangana mu kaye kano! Kesi mutave ku mashungu a ku muvila, aje simbu yoshe alinakulwa nzita na myonyo yeni.
- 1 Petulu 4:19 Ngecivene, vaje valinakuyanda ngwe ku cizango ca Njambi, a vilinga vyavo vyavivwa vanapande kulyana kuli Ishamatanga wavo, uje simbu yoshe akanyungu cikulaeso cendi.
- 2 Petulu 2:7,8 Ikeye wovwele Lote, muka-vushunga, uje wayandele omwo futisi yaivi ya vanu vakujeneka mashiko. 8 Omwo munu uje muka-vushunga wayoyele akati kavo, co a litangwa na litangwa ikeye wayandele nakukemanga omwo wamwene nakuziva vilinga vyavo vyavivi.
- 3 Yowano 1:2 Musamba wange injazema, njilinakukulombelela ngwange vyuma vyoshe vyende mwamuvwa nove, co ukale na ciindu cacivwa, ngwe njazivuka ngwange ulimwamuvwa mu munzinzime wove.